

永平府志
(光緒)

五

永平府志卷二十三

封域志五

山川五

巖山一名研山州南五里狀若虎踞其東絕壁有洞凡

十有八上三洞最大而深入莫能上

中一洞有石几石榻可容多人

明嘉靖二十九年八月二十一日北兵入中原自京都掠及豐潤本州花園莊民張儒同李科何朝庠生劉調元各家老幼寓此洞避兵數日今洞口北壁刻字尙存下有金大定閒石橋

石多紅色一郡之水口也上有埕

副使裴騫巖山石洞辨云巖山在灤州南爲屏障狀如飛鳥昂首振翼其東巖巖有石洞凡十有八有大者小者深者淺者可入者不可入者其上有三洞最大而深者在絕壁閒非步空梯雲不能入者也下有石橋大定閒建石多紅色有石柱二其下半紅相傳爲石洞多妖石柱上紅則妖出予惟石洞山之有罅

而虛者爾其始也草木繁茂蛇鼠狐狸盤據其中時
或出沒居民駭之未爲妖也有妖民者奸貪豪猾誑
誕譎張爲鬼爲域情態萬狀剝人皮肉嚼人腦髓白
晝公行恬不爲怪而獨求妖於石洞何哉爲吾人者
可以辨矣因爲之說
以祛惑以風世也

訓導黃步青巖山虎踞詩云山影高低乙字同神威
懔懔峙畿東三春花發文初變五夜風生嘯更雄壯
士敢攫空攘臂將軍善射不張弓千
秋昂首憑登眺四野都歸一望中

蠶箔峪在巖山西麓

卸甲山在蠶箔峪西二里相傳爲唐太宗遺蹟

宋家山杜家山俱在巖山西二里許

許家山張目山俱在巖山南五里

法寶山在州南十八里

小峯山披甲山俱在法寶山南二里

小山在州西南四里

州人吳晉之登小山詩云攝衣當峭壁眼界任東西
浦極江天迴城連草樹低春雲離岫出野鳥向花啼
仰止傾心久
今朝快一躋

馬鞍山在州西南七里

胡家山柴家山林家山俱在馬鞍山西南七里

芹菜山在州西南十八里遼進士馮唐卿於山前結廬

種菜自給

尹家山習武山俱在芹菜山南二里

磨笄山小擺頭山俱在尹家山南

媳婦山在州西南二十五里唐時有婦李氏隨姑採薪
於此遇雨雹以身翼姑而死

五子山在州西十二里上有五子洞龍溪之源出焉
雙山在州西十五里小泝水經其下入於大泝水

拐頭山小龍山俱在雙山北明正德十三年武宗觀魚
於泝河嘗幸拐頭山巔

餞頭山在雙山南

五子洞在拐頭山南一名墓子洞有四隴五峯巔有石
豕龍溪源出而伏伏而復出昔人投稊驗之

佛住山在雙山西北七里

劉家山在佛住山西八里

土山在劉家山南十里

洞山一名吞流山在土山西五里下有水洞名愛虛洞
深黝莫測夏秋之際港汙積水注焉伏流而南至二
十里外河草等莊從地洩出

尖山在洞山北五里上有城下有金水火三洞水洞今
塞

巍峯山在尖山西七里

毛家山在州西五十里

萬石山在毛家山南十里其南麓有鮮卑元帥墓

永平府志

卷二十三 山川五

三

州人李恩捷萬石山登高詩云九日尋遊玩物華鄉
山高深壓龍沙佩萸舊俗傳來久賜橘新榮望欲除
萬里清秋飛白雁一天冷雨瘦黃花風流自賞今猶
昔落帽何須獨孟嘉又九日遊萬石山詩云山水
悅予情况當重九日行行偕冠童步步入嶺崢嶸路轉
一峯高煙籠干樹密攀蘿露沾衣拾級花繞膝寺古
苔生階僧閑雲出室置身百仞巔回首塵煙失小憩
清氣來探幽靜理出泉聲石疊三雁字天垂一酌酒
話康年題餞輪快筆日
斜興未闌醉者十之七

北長山小山俱在萬石山西十餘里

此小山與研山西之小山名同地異

亭子山在萬石山西北十五里石可作碓磴

大扒山其石可用以磨刀而快利勝於亭子山

白道子山在大扒頭山西十里

增兒山亦在萬石山西北石青韌可爲碑碣

馬家峪一名七哥峪上有聖泉

刀楞山

楞當
作棱

逗遛山在刀楞山東

白雲山一名自來峯在州西七十里巔有大湫曰湫嶺

水峪王子峪秣軸峪俱在白雲山南

鳳凰山在白雲山東

佛座山在鳳凰山北

圍山在州西八十里上有瀑布四五飛流會於泉河

香花峪在圍山麓

九里長山在州西七十五里林果茂密其上爲天井峪

深險可避兵

大崖山在佛座山西、

大風山在圍山西南其巔有洞內有鐵梯三折而入百步水如河流深六尺許前通陡河風波不停淵黑莫測洞南頑鐵如牛半入土愈掘愈深

知州吳士鴻風洞飛虹詩云籃輿今又出南關望裏紆青不斷山待渡沙汀新雨後停驂古鎮夕陽閒煙飛洞口虹千尺筍迸蘆芽水一灣來向風姨申祀典五雲靄靄見仙鬟

州人汪鑑和韻云洞門常倩白雲關洞口飛花自滿山終古風聲含穴底有時虹影挂崖閒煙嵐縹緲籠千界沙漱潌洄抱一灣我欲凌虛探勝迹好偕仙侶步螺鬟

樹兒嶺在大崖山南

按州志在大峰山南五里

駱駝嶺在樹兒嶺南

賈家山在駱駝嶺南出茶山嘗掘得龍骨因名龍骨香茶

唐山在賈家山西孤高秀出有煖泉數十上有姜將軍廟將軍後唐時人斬蛟有功沒葬此山土人建廟祀之有張勛碑記唐山頂上有石城周二百餘丈相傳爲後唐李嗣源屯兵處基址猶存山之名以唐者實始於此西南嶺下有小洞其石色黑上多金星有大如棋子者土人取其石作硯磨墨頗佳

錢塘卓金殿唐山詩云孤峯秀聳陡河邊松帶蚪形柳帶煙紅透夕陽橫石壁翠連芳草瀉山泉將軍古

墓誰瞻拜妃子遺蹤共話傳只有
端陽旗鼓鬧村村賽禱聖神前

竈突山在州西北十里

馬鞍山在竈突山南

石門山在馬鞍山西三里

廟兒山在石門山西三里

止馬山在廟兒山南三里

老坡山在止馬山西北七里

連錄山在老坡山西

烽火山在連錄山西北八里小沂之源出焉其巔有寺

三岔院山在烽火山西南五里

宜安峪在三岔院西二十里羣峯崒嶺萬壑爭流

清涼山在州西北五十里一名分水嶺廬龍遷安分界
翠微萬疊人迹罕至中有黃土山院寺形如屏泉繞
迴廊清泚可愛

抽分峪在分水嶺北

成山城子山有寺俱在抽分峪西北十里

抽分峪一作分水峪

龍盤山在城子山西一里

司家山有臨水院寺在龍盤山西五里

偏山在州西北九十里澗谷逶迤草木叢茂土厚居繁
有榛栗棗梨之利東高西低狀如旌旗然故因其形

而名之東南北三面峻絕不可升惟西面平坦如砥
有石城橫於山腰城上有礮臺馬道舊迹內有石井
口寬丈餘深不可測讀史方輿紀要云山南五里曰
下五嶺北五里曰上五嶺益引而北峯巒環繞非亭
午不見人也

龍爪峪在偏山北二里

荆山在州西北九十里

小白峪在荆山北三里

折腰峪

橫山峪

羅家嶺在州西北九十里

鐸山牽馬嶺俱在羅家嶺西南

王家嶺在荆山西北牽馬嶺南有洞洞有石刻篆字不可識

苦地嶺在王家嶺南

白塢山索樹兒山俱在苦地嶺南

桃山在州西北九十里

羅山在桃山南三里

萬子山在索樹兒山南八里

杏兒山在萬子山西

孝家嶺在杏兒山東南八里

平臺山在州西北九十里

萊山在州西北九十里產蕨

一斗泉山在萊山西

梯子嶺在州西北九十里

省志作梯子山

泉子峪在梯子嶺北二里諸嶺環聳午乃見日有龍泉

寺瀑布

銅盆峪爲遷安界

繩索峪在上五嶺北二里

橫山在州北四里聳列如屏山腰有寺前有石井旦則

煙霧出焉東麓爲偏涼汀懸崖有徑明正德年間所

鑿下有關陡瞰灤河爲北郊保障前有深潭

正德十三年車

駕東巡觀魚於此舊漕運泊舟處也

明瓊山邱濬偏涼汀記云太行西來數千里環帝畿

而來又數百里散一支南出爲平灤諸山灤河白邊

塞迤邐東南行入平灤境始益大去灤州城北五里

許橫渡山下是爲偏涼汀汀出衆山閒據川流之匯

山之列其旁者有五若龍若蛇若榆若洞若紫金瓦隴之

屬參錯聯互狻猊踞而龍蛇走其間林壑幽勝草木

蔥蒨水之經其下者若漆若澈若沮若橫若肥如青

龍之類下流胥會膏黛渟而綺縠張其間鳬雁翔集

鱗族潛泳是誠一郡之奇觀也昔人鑿崖通道因山

建亭歲久而圯近時中貴人重爲修築然未殫厥美

也及天順庚辰御馬少監韋公將命道茲因舊加高

下爲圍門上爲新亭規制宏侈丹碧照映登臨眺望

一目千里山若增而高水若增而深與夫風景雲物

之美咸若踴躍奮迅而突出也知永平府事古相周

永平府志

卷二十三山川五